

3 Ada gwai dup gun wilaish ga dup wilait ga, zida dup dukiagwush ga na yaoulthemgush gut ga.

4 Nā houdit, Wilaii gut niat ga, ada althgat dukiagwush ga na yaoulthemgushk gut ga, ni hūk biga dit, ada althga di lühokshk gish ga shimhou gish niat:

5 Ada alt nā t'in dukiagwush ga na algiakt ga, shimhouit niadi ltha wil tka lüguelth gish ga na shiebunshk gish ga Shimoigiat ga Lakāga. Gwai dup gun wilai lühakhokshk, gum gish niat:

6 Nā t'in maltha lühokshk gut gish niat, gup am dum di lip wila yā didash ga na wila yāt ga.

7 Shipshiebun, althga shū yaoulthemgushk gulth dami a gwashim, yagai lthā yaoulthemgushk gut gū na ltha shgū dida gwashim wagait wilhishidātk gut; Lthā yaoulthemgushk gut nini algiaga ltha naknōi shimt.

8 Ada gik shū yaoulthemgushk ga damū da gwashim, gū nini gau ga shimhouit gish niat dilth shpaga shim; āwil lthā dum ziiba shgēutk gut, ada lthā al gōsh ga goibat.

9 Nā t'in maltha lühokshk ga dida goibat, ada alt libāluksha waik dit, ltha ligi wila wāl dida shpagait shgēutk gut wagait gĩaōn.

10 Nā t'in shiebun waik dit lühokshk ga da shpagait goibat, ada althga ligi shgūlth dum naēmshk ga di ash niat.

11 Ada alt nā t'in libāluksha waik dit, shpagait shgēutk ga wil wāl dit, ada hiyā dida shpagait shgēutk gut, ada althgat wilaiith n'dalith dum gavit, āwil lthāt sha shū'unsh da shgēutk ga zal dit.

12 Damisha nū da gwashim, gubut gūelthk, āwil ltha shagimuksha na hadadak ga shimt āwil na wāt ga gunwālth ga.

13 Damisha nū da gwashim, gana-

gwāt, āwil ma shim wilait gish ga wāt gut gish ga wilhishidātk gaga. Damisha nū da gwashim, shūmakshum yōt, āwil ltha gagutlet shim da hadak ga dit. Ltha damishū da gwashim, gubutguelthk, āwil ma shim wilaish ga Nagwāt ga.

14 Ltha damishū da gwashim, ganagwāt, āwil ma shim wilait gish ga wāt gut gish ga wilhishidātk gaga. Ltha damishū dā gwashim, shūmakshum yōt, āwil gutlet shimt, ada lühokshk gish ga na algiaksh ga Shimoigiat ga lakāga gwashim, ada ltha gagutlet shim da hadak ga dit.

15 Gilau ma shim shiebun halizogut, dilth ligi gau wāl dida lak halizogut. Ami ligit na t'in shiebun halizogut, althga di lühokshk gish ga na shiebunshk gish ga Nagwāt gish niat.

16 Awilt tkāni wāl dida lak halizogut, nahagaum shamet, n'n'nū'umzuksha zalt, ada na shgatgum hoishk ga gundidōlshit, althga di wāt ga dash ga Nagwāt ga, yagai halizoga wil amiyā dit.

17 Awil dum ziiba halizogut, dilth tkāni nahagaum dit; ada alt nā t'in wā'ansh ga na shagauk gish ga Shimoigiat ga Lakāga gup ltha dum wila wāl dit.

18 Gubutguelthk, ltha gup kshtkulānda hourt; niwālda na ma shim wila naknō dum goiduksha dum Shish-Christ ga dit, ni ltha wāl dit gĩaōn ltha haldum goltha wilhēl dida shish-ga-Christ ga dit; nini dup gunwilai ltha gup kshtkulānda hour.

19 Nūgum na wil ksha'amyā dit, ada al althga di gup nūgumlth nhawāl dit; āwil ami n'zat nūgumlth nhawāl dit, ltha n'dum wila hak-hokshk ga dida gum: ada yagai wāl dit, ā dum wil alūdā'antk ga althga nūgumlth nhawāl dit.

20 Ada al ltha ligushguzk ga shim